

10 November 2019



*Geloof deur liefde tot daad*

041 367 1485 | info@pehoogland.co.za | www.pehoogland.co.za | www.facebook.com/pehoogland



Genesis 24 | Water vir kamele  
Familiediens & GvG Afsluiting  
10 November 08:30 @ Hoogland

## Hartlik welkom by Hoogland se baie spesiale Familiediens & GvG Afsluiting vangoggend!

Hoogland wil graag vir al ons GvG Mentors baie dankie sê vir al die liefde waarmee hulle weekliks die gemeente se kinders kom bedien het. Groot waardering en dank vir elke ouer wat hul doopbelofte so getrou nagekom het en deel was van die GvG bediening.

Die gemeente word ook uitgenooi om gerus na die diens te kom deel in die verrassing wat vir ons kinders beplan is op die grasperk voor die Grot.

Matrieks, julle is halfpad... Moenie opgee nie! Lekker leer en weet  
Hoogland hou julle in hul gebedel!

# Baie welkom by Hoogland vandag!

## Program vir die dag Familiediens & GvG Afsluiting

08:30 Oggenddiens: Ds Thania Botha

**Deurkollekte:** CLF (vir die verspreiding van gratis geestelike literatuur.)

**Gebedsgeleentheid:** na die diens in die moederskamer. Almal is welkom.

**Koffie:** direk *na die oggenddiens* in die saal en weer *voor die aandbyeenkoms* in die Voorhuis.

09:30 Junior, Senior en Finalefase GVG Afsluiting saam met hulle ouers in die saal.

18:00 Aandbyeenkoms in die Voorhuis: Koffietafelgesprek saam met Ds Thania Botha

Ds Pieter preek vanoggend by NG Gemeente Waterford.

## Program vir die week

**Maandag: 11 November**

19:00 Finansies

**Woensdag: 13 November**

10:00 Gesamentlike Bybelstudie Afsluiting

18:45 Dissipelskapreis

**Donderdag: 14 November**

09:00 Dagbestuur

10:30 Woord werkgroep

18:00 *Coffee Talks* in die Jeuglokaal

**Vrydag: 15 November**

05:30 Manne in geloof

(Interkerklike byeenkoms)



'n Ster vir Kersfees...  
*Kersspel en -sangdiens*

17 November | 18:30 @ Hoogland

Om die regte ding te doen | Jesaja 61

18:00 @ Hoogland

Koffietafelgesprek ...

Kom dink en gesels lekker saam oor *GEREGTIGHEID* in die Bybel en in ons lewe vandag.



## Seisoen van Gee

*Geloof deur liefde tot DADE* kan op enige van die volgende maniere uitgeleef word.

Alle geskenkies en/of donasies kan Sondae by Gemeentedienste gelaat word in die voorportaal of by die kerkkantoor afgegee word voor/op Dinsdag, 3 Desember so-  
dat dit alles betyds uitgedeel word voor die kerkkantoor sluit.

- **Geskenkies vir Senior Lidmate** - geskenkies ter waarde van ±R35 word byme-  
kaargemaak vir Hoogland se Senior Lidmate. Wees asseblief deel van hierdie  
omgee projek.
- **Eluthandweni** kospakkies - Hoogland maak jaarliks vir die Eluthandweni  
pasiënte kospakkies bymekaar vir die feestyd. Enige nie-bederfbare blikkies  
kos, toiletware en miskien 'n lekker bederfie is baie welkom.
- **Xhosa Bybel Projek** - Bybelpakkette is @ R100 te koop vir verspreiding onder  
huiswerkers, tuiniers of ander Xhosasprekendes.
- **Isithembiso baba tehuis** - enige baba produkte vir hierdie tehuis vir wees-  
babas hier op Hoogland se voorstoep.

Daar is 'n selgroep wat aangebied het om lidmate, met 'n spesifieke behoefte aan  
vervoer, na ons oggend eredienste te help met vervoer. Kontak gerus die kerkkan-  
toor indien u 'n behoefte het aan vervoer Sondagoggende.

### Hooglandvroue

Die VLV-tak nooi graag *ALLE DAMES* in Hoogland uit om by hulle te kom aansluit vir hulle laaste byeenkoms vir die jaar op ***Dinsdag, 12 Oktober om 09:00 in Hoogland se Jeuglokaal.***

Hennie van Heerden kom gee 'n Versier-'n-Kolwyntjie demonstra-  
sie!

### Verkieping van Kerkraadslede

Die volgende lidmate is as Kerkraadslede gekies en herkies.

**Kerkraadslede verkies:**

Ouderling : Ferdi Röhm

**Kerkraadslede herkies:**

Ouderlinge : Albrecht Herholdt, George Ter-  
blanche, Ilse vd Watt, Saretta Dawson

Diakens: Sandra Olivier, Reinette Strydom,  
Mouton van Eeden.

### Basaar Gespreksgeleentheid

Daar word 'n ernstige beroep op *ALLE lidmate* gedoen om deel te wees, saam te  
gesels en te bid oor Hoogland se Basaar en ander fondsinsamelings-projekte vir 20-  
20.

'n Dinkskrum gespreksgeleentheid word beplan vir ***Dinsdagaand, 19 November om 18:30 by die kerkkantoor.***


E-pos gerus vir Leandra by leandra@pehoogland.co.za of *whatsapp* die Hoogland  
nommer 079 815 9825 om te laat weet as jy kom saamgesels.

## Uit die hart ...

Ons het 'n klein natneus-japsnoet in die huis, wat sommer met die eerste oog-opslag ons harte gesteel het en sedertdien ons lewens met vele lekker-lag-oomblikke en sokkie-soek-avonture gevul het – ons noem hom: Jesaja, juis omdat dié Bybelboek vir ons besondere betekenis dra. Ek is seker daarvan dat as jy 'n troeteldier/e het wat jou so na aan die hart lê, jy ook dalk kan verstaan waarom die miljardêr, Leona Helmsley, 'n trustfonds van \$12 miljoen (R180 000 000) aan haar hond bemaak het en in haar testament gesê het dat die hond langs haar begrawe moet word wanneer hy sou doodgaan.

Dit is darem nou 'n uiterste geval, maar die Bybel getuig daarvan dat God self 'n besondere agting vir diere het en hulle belange op die hart dra. Ons lees in Genesis, nadat God die diere geskep het, verklaar Hy daardie deel van Sy werk as *goed*. In Matteus 10:29 getuig Jesus dat selfs nie een mossie op die grond val en sterf, sonder dat God nie daarvan weet nie!

God leer ook vir ons in Sy Woord dat die manier waarop ons met diere omgaan, ook 'n wyse is waarop ons geloof tot daad oorgaan. Ons lees vanoggend saam uit Genesis 24 en gaan steek kers op by Rebekka, wie se karakter getoets is aan haar vermoë om nie slegs vir die slaaf water te gee wanneer hy daarna vra nie, maar ook die kamele se behoefte raak te sien en vir hulle water te gee.



Ds. hania